

Aliran berita tidak seimbang

Wartawan Asia sokong kritik Dr. Mahathir

Bahan asal dari Artikel
Negara Malaysia

KUALA LUMPUR, Khamis — Para wartawan Asia yang menghadiri perhimpunan agung OANA di sini menyokong penuh dan bersetuju dengan kritikan Datuk Seri Dr. Mahathir Mohamad mengenai salah lapor tentang hal-ehwal negara oleh media Barat.

Mereka berkata, kritikan itu tepat pada masanya dan diharapkan akan dapat membantu mengubah aliran berita yang tidak seimbang pada masa ini.

Seorang wakil Bangladesh, Encik N.A. Masood berkata: "Kita janganlah membenarkan diri kita dicorak oleh agensi-agensi itu untuk maksud mereka, sebaliknya mereka hendaklah mengubah sikap itu."

Encik Masood yang juga setiausaha bersama Kementerian Penerangan dan Penyiaran Bangladesh, berkata kekerapan perbuatan salah lapor akan cuma menyekat pembangunan negara-negara membangun dan tidak

maju.

Bellau berpendapat dengan penyertaan sembilan buah lagi negara ke dalam OANA, lebih banyak peluang akan terbuka untuk melawan kritikan-kritikan dan salah anggap media Barat.

"OANA boleh mengurus hal-hal ini, dan masalah-masalah yang akan dihadapinya. Pembesaran OANA merupakan satu tindakan yang konkrit," tegasnya.

"Kita hendak lebih serius dalam menilai laporan-laporan yang diterima dari agensi-agensi ini dan untuk berbuat demikian satu kerjasama yang berkesan di kalangan negara anggota adalah perlu."

Perlu dibetuli

Wakil Bangladesh itu juga menyeru diadakan liputan yang lebih luas bagi berita-berita nasional dan antarabangsa antara negara-negara itu dan juga dengan negara-negara Asia yang lain.

Seorang wakil wanita berkata, kritikan itu mencerminkan "betapa perlunya dibetuli kesalahan dan salah lapor yang wujud dalam media Barat."

Bellau menyebut tentang per-

lunya didisiplinkan pendekatan dan aliran penulisan bagi agensi-agensi.

Tambahnya, kritikan Perdana Menteri itu adalah tepat pada masanya dan telah menyedarkan para wartawan agensi tentang ancaman dari agensi-agensi Barat.

Seorang wakil lain, ketika mengalu-alukan kritikan itu, menyebut tentang perlunya "dikekalkan kewibawaan dan keutuhan kita" memandangkan perbuatan salah pengertian oleh agensi-agensi itu.

Wakil ANTARA, Cik Mariany Sulaiman, berkata pemberitaan yang berat sebelah oleh agensi-agensi Barat adalah "perbuatan yang perlu diawasi oleh setiap negara."

Katanya, terdapat banyak peluang yang terbuka kepada OANA lebih-lebih lagi setelah pertumbuhan itu diperbesar.

Cik Mariany berkata: "Memandangkan cabaran-cabaran ini, negara-negara anggota OANA boleh mengautkan kedudukan mereka di rantau ini berhubung dengan pertukaran berita, selain daripada bertindak sebagai 'pengawal' berita."